

明神宗實錄

卷三七一至四一二
萬曆三十年四月至
三十三年八月

明神宗顯皇帝實錄卷之三百七十一

萬曆三十年四月壬辰朔孟夏時享 太廟遣官恭代○ 上

命 東宮于初九日如常講學○癸巳大學士沈一貫言廣東稅額委實太重不可以經久行稅使李鳳委實太虐不可以一朝居如蒙 皇上允按臣之請減其額數德意甚盛若不然則止將李鳳取回面命李敬代之亦是美事李敬為人忠實必能仰體足國裕財之心安邦弭亂之意既收徵課之益且釋南顧之憂此兩利之策也惟 上斷而行之○戊戌尚書王世揚因科臣宋一韓論其跋扈不堪上疏乞歸不允○甲午總督三邊尚書李汝因言官論其冒寧夏功賞上疏自白乞骸詔以具發蹤功多不允辭○丙申雲南巡撫陳用賓疏辭十三寨叙功俸廩不允○御史高攀枝言戶部為邊餉不敷請太僕予馬價業

蒙 聖諭本寺少卿連標正宜仰體 聖心為協恭之雅乃這
臆肆吻攻擊世卿 皇上予之而標故靳之 皇上以款款之
旨聞諭之而標以倖倖之氣要挾之何其敢于倖倖無人臣禮
也且齒長宜罷詔連標愈爭求勝不察機宜但事本因公情有
可諒姑與仍舊供職馬價降遵前旨行不行再行延滯以妨軍
國大事○丁酉大學士沈一貫以續講新書未得俞允講官教
文禎願將通鑑講章與朱國祚輪日分撰具疏題知○吏部尚
書李戴以病請假調理乞點用本部侍郎詔許其假侍郎員缺
候有行○以太常寺卿孫瑋為都察院右副都御史巡撫保定
等府提督紫荆等關○陞山東東昌府知府李士登為按察司
副使整飭沂州兵備○原任荊州府知府陸夢履以寄庫錢糧
疎怠失查致吏浸取巡按御史勘議應降一級調用吏部題覆

報可○發內庫銀五千一百一十五兩于甘肅為給賞獲功員
役之用○戊辰春 穆廟大長公主曾孫遜中道入國于監讀
書○太僕寺署印少卿連標以高攀枝之言且疏奏辯且求引
退不允○己亥以周府宗正安瀾已故陞左宗副勤美代之○
贈原任工部左侍郎沈節甫為都察院右都御史○庚子宴海
西忽魯等衛貢夷羊宇羅等九十九名命侯陳良弼侍○辛丑
陞山西按察使李景元為右布政使廣東韶州府知府王以通
為湖廣副使整飭武昌兵備○戶部尚書趙世卿言各省直止
供錢糧軍國額用果得如期盡至儘可接濟請通行省直今後
有司徵解不及分數者無從依期查參撫按過期不參者部科
指名查參庶事有責成法歸畫一完一分則寬一分之虞早一
日則濟一日之用詔嘉納之○蠲賑順天永平二府被災州縣

衛所有差○兵部覆雲南巡撫陳用賓疏言緬酋雍罕糾結夷兵十萬讎蠻莫土官思正勢甚猖獗思正若敗必內奔天朝若閉關不納則思正為虜恐失蠻莫而撤我藩籬出兵往援則賊衆我寡恐釀禍孽而罪內地當茲顧此失彼之時畫為因勢利導之計條南三策一遴選膽勇間諜之人曉諭緬酋以順逆禍福令撤兵回巢各保疆土靜聽處分如其抗違則當大彰天討一責思正以死戰果敗而逃則聲其罪而執之另擇素有夷望土舍住管其地俟緬兵解後將思正歸請于朝土殺放流唯令一緬情最狡倘或虜思正而據蠻莫則當置隴蜀于度外急圖內治分營列戍戰守耕屯相兼用賊入則遏其來衝賊出則襲其歸路使彼進無所掠退有所懼瞻目持久不死即逃矣仍發粟大小將領不許貪功輕舉如果計是緬賊保安地方即與

膏虜同功從優錄叙惟是緬孽擁衆十萬情甚巨測其情形忽有出于三策之外似又不可以執一爲者況滇南萬里而遙奏報一時難到一切剿處機宜併動支各項報餉應聽從長計議但期成功不爲中制詔從之○延綏巡撫孫維城因派軍挑沙傳訛喧嚷疏認罪乞黜以爲一時疎防之戒兵部覆議延綏絕塞孤懸虜易窺伺城外飛沙堆積例應以除撫臣派軍似不爲過乃坐營卹賜恩掌印指揮謝勲及城堡同知宋應試承委會議未經明白曉諭致窮餘輕聽訛傳擁衆告免卽其喧譁之狀幾令法紀蕩然倘以人衆聚置不問恐轉相效尤獮悍日甚將來患有不可勝言者所據餘丁中必有倡首之人法當重懲各官不能善于調停亦難逃罪且衛官聞報餘丁之議業已月餘而另文派除邊沙之語何由而起若不一爲查究則貽言終易

或人奸升得以漏網即各丁亦未必肯即挽首輸情也詔是之
今該撫按嚴令倡首者重加懲究其餘脅從姑從寬宥○壬寅
山東巡撫黃克纘因吏科都給事中桂有根論其致死雷化知
縣馮世臣上疏自辯乞罷職待罪吏部覆請于彼處勘議令克
纘仍舊供職上然之○補原任四川按察司僉事汪光岸為
浙江僉事分巡嘉湖道○總理河道都察院右都御史李順卒
順江西餘干縣人由進士授中書舍人選御史清戎楚粵忤江
陵相意出為湖州知府蘇州兵備副使浙江叅政湖廣按察使
所至以治行稱丁內艱服闋江陵既敗累擢僉都御史巡撫順
天多防禦功累加都御史改兵部尚書總理河道至是卒于任
諡者謂其有經幹學行可為近代之名臣云○工部尚書姚繼
可以河患孔棘工費為艱請即簡臣累疏命九卿科道計議百

萬之費作何處辨其間源河築隄建閘一十九萬之數戶部協濟三分之一先年成例具在并乞申諭刻期舉行報可○癸卯禮部尚書兼東閣大學士朱廣行取到京詔即入閣辦事候補面恩○倭國王清正將被虜人王寅興等八十七名授以船隻資以米豆并倭書二封與通事王天祐送還中國天祐原蒲田人少而被虜久往倭國娶妻生子女二人原無歸國之意來書復類華字跡果否出自清正皆不可曉福建巡撫以其事聞下兵部覆議閩海首當日本之衝而奸宄時構內訌之釁自朝鮮發難挫切而歸國是之志未嘗一日忘今迹近恭順而其情實難憑信與其過而信之寧過而防之除通事王天祐行該省撫按徑自處分王寅興等聽候原籍安插及將倭書送內閣兵科備照外請移文福建巡撫衙門亟整潮舟師保固內地仍嚴督

將士偵探不容疎懈 上然之○原任總督薊遼尚書邢玠言
科臣曹于汴論臣多端前後章疏 明旨俱在臣亦不必盡言
然當時東事累奉 明旨必使朝鮮一倭不留方為全功今八
道一倭不留舉全國而授之朝鮮則東事昭如日星五尺之童
能辨之查閑白報亡于二十六年七月初各倭敗遁于十一月
二十五日若以成功歸于閑白之亡則十月內中路失事何以
在閑白已亡之後即使乘其亡而襲之誘其來而俘之亦兵家
正法况獻俘跡內明間平秀政以下五十四人係擒之陣上者
要時羅以下七人係各倭差來講事者夫時羅等于進兵之時
假以講事故來窺探明是奸細豈可輕放至于海中斬獲各倭
係各島各部之人諸將何能熟識勢必憑土虜之供報或以死
為生以生為死乃其常態而倭中亡命更多沈惟敬之黨多次

書來尚不知為何人所作中間寓何詭計科臣以為字字皆真
乎夫不拘何名皆為倭將况海寇盡平即不擒正成不斬義弘
亦得完局臣何必區區于二倭也即如所言為誘然朝鮮王子
陪臣細米土地倭奴累年所陰謀苦求者一毫不費而能誘生
倭六十一人數之闕下而又斬級數千立京觀于朝鮮并釜山
百年盤據之巢穴一鼓盡掃即不為功或亦不可為罪即掃蕩
是真倭級是真即外夷之名姓果差似亦未可為欺况差不差
不可知乎至引給事中洪瞻祖論吳彥交偏邊將拐總督打點
銀四千兩而竊畏跟故御史陳欽于朝鮮同沈惟敬送一美女
于外國夫彼時五府九卿科道會勘不知打點何人且中彥浙
人直山東人遠在外國素無交往何以輕給多銀既拐臣銀兩
不遠走別方尚敢隨監軍御史赴朝鮮見臣乎臣挈沈惟敬于

二十五年之七月陳效至朝鮮在二十六年之正月中彥同沈
惟敬送美女之事臣固未之聞也伏乞 皇上先罷臣以謝言
者仍將打點一事敕下該部覆勘如毫有的據願伏斧鉞之誅
詔這事情已屢經科道部院查勘明朕所悉知何用復勘卿
不必縈心苦辦○甲辰 孝懿莊皇后忌辰遣官祭 昭陵○
乙巳禮部尚書馮琦引病乞歸請速點用侍郎以理部事詔侍
郎員缺令將原推寫來看卿有疾宜慎加調理稍愈即出供職
○光祿寺少卿王紀乞回籍養病許之○禮部以黃河淺涸疏
言據陝西總督李文巡撫賈待問揭報本年二三月間河州蓮
花寨等處水深不過三尺往來人畜直渡穴子岡綽避河口黃
河上流水盡乾竭等因臣等不勝駭愕今歲天變頻仍火星失
度日光如燭風塵黃霧種種示異未有若此河之為變者竊謂

河潰之行地猶元氣之周身而貨財流布于天下也今天下財
力可謂匱乏而血氣亦已耗矣閭閻貧有庫貧獨礦稅監使及
衆隨土棍之家富耳神河天險源洞流徙而中吏挾百川之勢
以冲 祖陵扼運道此脉竭財壅之象也夫民匱則愁苦愁苦
則思亂直須時耳聞者真以揚榮激而火敵虜矣粵以李鳳激
而民欲割办其腹矣陝西以黎隨逼死縣令而商民洶洶不安
矣兩淮以激變地方打搶官舍錢糧矣遼左以高淮激而戕妻
官矣民變所在見告大略以調停小定其間屈情招怨不知幾
何恐情至不堪亦必有法度不能制之時自古大禍亂難撲滅
者即小激變而失于收拾者也天心仁愛告戒勤懇不啻向命
皇上得無動心乎天人不遠嗚呼可通碩受惑犯太微 聖
體違和一渙德音旋即退舍可謂天象渺茫否伏望 皇上懌

然深思能礦稅撤中使人心既悅天意自同將見四海安瀾凡
河順軌在一念轉移間耳跡入不報于是吏部尚書李戴等御
史于永清等都給事中姚文蔚等相繼有公疏大略與禮部疏
同○上以早徵屢見有詔修省祈禱禮科給事中白瑜疏陳
修省之實急在採權一事于理勢利害四者皆不可不羅御史
沈時來亦因早陳言條修省四議○丙午賜輔臣扇及講官有
差○大學士朱賡入閣陳謝上報聞○戶部尚書趙世卿言
福建積餘鹽價先該御史劉應龍議權宜給粟輸課濟邊今稅
監高宗亦議將前銀湊足一萬有奇具疏兩請得旨下部院臣
仰體聖意亟念邊計借助大工均不可緩第以今時邊餉
似為尤急鹽課僅餘一分則邊餉藉用一分望俯俞屢請令臣
等轉行該省按臣同稅監協力共濟將前後題共湊銀一萬三

千餘兩刻期解部湊抵邊餉少救軍士倒懸之苦報可○予懷
柔伯施先祖妻陳氏祭奠如例○遼東巡按御史何爾健劾
惡宋希曾等勾引稅監高淮委官徇水恩等通詐贓私鄉民無
告至欲順虜逃生請將諸惡嚴究正罪以弭變安邊得旨令撫
按同該監盡法追究問擬具奏不許連累無辜以安地方遼左
衝鎮內外官員各惕恭任事如有偏執徇私致啓釁端者並處
不貸先是高淮庇護諸奸以侵欺打奪具奏徵旨著內官會同
撫按勘問健前後兩疏辦理及得是旨人心始定云○是夜月
食子正初一刻虧卯初一刻復圓○丁未大學士沈一貫以
上與南京守備太監邢隆徵收徽寧二府買產稅契銀數書聞
防上疏爭之曰稅契之制起于民間買產恐有後爭 祖宗立
法每十年造冊之時為之官印契尾以資信守因而稍稅賦錢

非為利也近年戶部因邊餉無措每兩由三釐增至三分正充濟邊之數已為非藝之徵今又收入內帑則戶部不免束手待斃矣且原題盡天下歲入可得十萬今乃云徽寧二府可得十五萬何其言之太易耶彼徽寧二府土地幾何雖使寸地及土無不換主決無五百萬交易之理十五萬稅從何而取明是奸人賺此一較以為百計誅求之端小民何辜有不生心造謠者乎伏望深惟利害追寢前命免竄此較不然則明示邢隆循每兩三分之制隨其稅銀多寡盡數解進不必拘定原數其原奏土民吳良輔等不許預事以恣止今有司防奸緝弊毋容漏卮則人心不驚國課有出雖有妨于戶部猶無損于 皇仁臣不勝涇懇不報○淮慶王帥詳選高氏為妃○封魯王壽鏡并妃馬氏延津王翊錚妃韓氏荊府德安王常滿淮王翊鉅妃陳氏

淮府紹興王胡銓并妃王氏方城王朱鉅選妃田氏益府德安王常洞妃萬氏藩府浚川王理壙妃崔氏○戊申准蘇杭水災地方將婚禮袍服未織三運分作六運每年二運織解從太監孫隆請也○己酉封益王胡翊庶十六子常澍為沃江王○庚戌刑科給事中張鳳翔貴州道御史沈正隆交章論吏部稽勲司郎中趙邦清險暴貪淫三減倫六無耻諸狀且多金挾娶選中儲婚淑女楊氏為妾無人臣禮邦清疏抵辯謂前任滕縣鄉官及今同僚唆使致然至號哭禁門呼冤云皆同僚鄧光祚誘致躬及堂官李戴相通賣法受賄惟臣孤立致光祚致躬及候選科道蕭淳唆使言官誣陷殺臣請抄沒臣與光祚致躬淳家財以辨貧廉以彰乾斷是時右給事中田大益御史左宗鄧李培俱直鳳翔正隆而叅李戴怯懦不能斷是非給事中曹子